

漢書門
 一三六〇八
 一五〇八
 類號函架册

內閣文庫
 漢書
 一三六〇八
 一五〇八
 類號册架函

內閣文庫	
番號	漢 12608
冊數	160 (98)
函號	300 211

百十七シハ





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM Kodak





重校聖濟總錄卷一百十七

震澤汪鳴珂瑤圃全弟鳴鳳蘭圃校

程 助懋哉校訂

口齒門

口瘡

口糜

口吻瘡

口舌焦乾

口齒統論

論曰足太陰脾之經其氣通於口足陽明胃之經
手陽明大腸之經其脉並夾於口故其腑臟風邪

濕熱發於經脉於是有口吻之疾牙齒者骨之所終髓之所養也又手陽明之支脉入於齒故骨髓之氣不足與夫陽明之脉虛不能有所滋養則於是有牙齒之疾牙齒之疾其候甚多治療之法固不得略也養生方云鷄鳴時叩齒三十六下食畢令啄齒皆宜長行之令齒不蠹去蟲又早朝未起漱口中玉泉令滿口嚥之啄齒二七遍去蟲而牢齒千金又曰每旦以鹽一捻內口中以煖水揩漱及齒百徧為之不絕不過五日即牢密若此之類皆簡易可行行之有效不可忽也

口瘡

論曰口瘡者由心脾有熱氣衝上焦熏發口舌故作瘡也又有胃氣弱穀氣少虛陽上發而為口瘡者不可執一而論當求所受之本也

元參煎方 治熱毒發動口瘡心煩躁

- 生元參汁 生葛汁 各二斤
- 白銀 十兩
- 寒水石 十兩
- 石膏 末 為末
- 滑石 末 為末
- 慈石 煨醋碎七次 各一升研
- 升麻 羚羊角 犀角 甘草 各二兩
- 芒硝 一升



牛黃研末
二兩

除銀元參生葛芒硝牛黃外並搗篩以水三斗煎銀寒水石石膏滑石慈石以汁二斗去滓別以水五盞煎以升麻并羚羊角犀角甘草至二盞去滓與元參并生葛汁一處都和再煎如稀餈然後下芒硝攪勻入瓷器中盛却入牛黃末再和勻停令黃黑色每取二大匙入蜜一合和勻分四服熱湯調下不拘時候

治口瘡槐枝煎方

槐枝二三 桑枝 柳枝各一斗 三味以水五斗文武火煎約一斗去滓再入鍋煎至五升方入後藥 槐蠹蟲一兩 細辛

麝香研一分 藁本一兩 升麻 胡桐淚 莽草各半兩

搗後七味為末入前藥汁內更煎如餈臨淨漱口以藥半匙傅痛處有涎即吐之臨臥再用

當歸膏方 治口爛生瘡水漿不下

當歸一兩 射干 升麻 附子各半兩 白蜜四合 猪脂五兩

除蜜外并剉先煎脂化去滓入諸藥慢火煎候
附子色黃又去滓入蜜更煎如膏以瓷器盛每
服如杏核大含之日三五度嚥津不妨

朴硝散方 治口瘡及喉閉喉塞

朴硝 硝石 膽礬 白礬 芒硝 五味皆
枯乾

寒水石 燒 甘草 炙 青黛 研 白僵蠶 直
者

各等
分

共為散和勻每用少許摻瘡上遇喉閉用筆管
吹一字在喉中立破

黃連膏方 治口瘡并咽喉塞

黃連 三
兩 猪脂 一
斤 白蜜 四
兩 羊髓 研二
兩

以慢火煎猪脂取油去渣入黃連又煎令黑色
下羊髓髓化以綿濾去滓入蜜更煎成膏瓷盒
盛每含一棗大日三五度嚥津不妨

薔薇膏方 治口瘡多年不差風熱上攻

薔薇根 郁李根 水楊皮 牛蒡根 各一
斤

蒼耳 一
升 露蜂房 三
枚 生地黃 切 升麻

當歸 各一
兩 地骨皮 白芷 石膽 各半
兩 熟銅

粉 麝香 研各一分

先以前六味細切水二斗煎至五升葛布絞去滓次入地黃升麻當歸地骨皮白芷再煎至二升綿濾去滓慢火又煎成膏乘熱下後三味研藥和勻瓷器盛每含如彈丸大吐津

丹砂膏方 治口瘡積年不差

丹砂 研一分 猪脂 白蜜 各三分 杏仁 去皮尖雙仁七粒

膩粉 白礬 研 胡粉 各一分 生地黃 半兩 麝

香 研一分

共九味研七味為末先將脂蜜令化去滓次下諸藥更煎十餘沸以綿濾去渣更煎待膏成瓷盒盛每用杏仁大綿裹含吐津

雞舌香丸方 治久患口瘡不任食物

雞舌香 末 松脂 研各一分 胡椒 為末七粒 細辛 為末三分

蘇木濃煎汁和藥丸如梧桐子大每服以煖水研一丸塗瘡上

燒肝散方 治口瘡久不差

茵陳蒿 犀角屑 石斛 白朮 芫胡 各半

芍藥

吳茱萸

湯浸三遍

紫參

桔梗

防風

桂心

人參

白蕪荑

各一分

每服五錢以白羊肝五兩切去筋膜入葱白一莖細擘相和濕紙三五重裏慢火煨熟空腹頓服米湯下

薔薇根散方

治口瘡經年不差發歇飲食難艱

薔薇根

剉

蜀椒

四十九粒去目炒

為散以漿水二盞煎五七沸熱含冷吐

蟾酥丸方

治牙疼口瘡積年不差

蟾酥

一片水浸令軟

麝香

少許

研細丸如粟米大以綿裹一丸於病處咬之有

涎即吐

治口瘡久不差方

薔薇根

握一

用水一升煎至半升候冷含稍稍嚥之冬用根夏用莖葉又宜同角蒿灰塗有涎吐之

巴戟散方 治元藏虛冷上攻口瘡

巴戟天

一兩

白芷

半兩

高良薑

為末一錢

為細散用豬腰子二隻去筋膜每一隻入藥散一錢用紙濕裹煨熟乘熱去紙以口吸熱氣有涎即吐候冷細嚼服之

杏仁丸方 治口瘡

杏仁湯浸去皮尖 蛇牀子燒 白芷燒 膩

粉各一分

研杏仁如膏和三味為丸如雞頭實大細嚼五丸不得嚥津吐涎出立效

甘草煎方 治口瘡

甘草炙為末 豬膏四兩 白蜜二兩 黃連去鬚為末

一兩

先煎脂令沸令去滓下蜜并藥等慢火熬成煎每服一匙含嚥津以差為度

白礬煎方 治口瘡

白礬末 鉛丹研各一兩 附子生去皮臍為末 屋下火煤

各半兩

研為末入白蜜三兩煎為煎入竹筒子盛飯上炊一次每用少許含吐涎出效

黃蘗煎方 治口瘡

黃蘗 末一兩 亂髮 洗去膩三兩 硫黃 研一分 黃連 末一兩

麻油 斤半

先將油煎髮消然後下黃蘗等重煎待凝成膏每含杏仁吐津不得下

石膽煎方 治口瘡疼痛

石膽 半錢燒灰研 白蜜 一分 黃蘗末 錢一 蟾酥 研半錢

先於鐺中慢火煎蜜次下藥末煎如餈每含如

杏核大吐津不得嚥

杏仁煎方 治口瘡

杏仁 去皮尖雙仁七粒 胡粉 研 鉛丹 研各一分

用蜜五合調和用竹筒盛蒸炊久旋含之吐津不得嚥

麝香散方 治口瘡

麝香 研一字 胡黃連 錢一 檳榔 生一枚

研為散傅之

滑石散方 治口瘡

滑石 膽礬 各一兩

研為散每用一錢以綿裹含吐津

生薑煎方 治口瘡疼痛

生薑 取汁一盞 白沙蜜 三兩

用煎十沸用瓷器盛時時以熱水調一匙含嚥之

柳花散方 治口瘡

黃蘗 一兩 澱花 半兩

為散臨臥乾摻嚥之亦不妨

麝香散方 治口瘡

麝香 少許 人中白 一錢

研細綿裹如菘豆大含之嚥津

二物散方 治口瘡

白殭蠶 黃連

為末臨臥摻口內

碧玉散方 治口瘡諸藥不效

膽礬 半兩 錫子內燒通赤地上出火毒

細研每取少許傅瘡上有清涎吐之

附子塗脚方 治口瘡

附子 一枚生 為末

以薑汁和勻攤脚心

蘘荷根湯方 治口瘡

蘘荷根 二兩

細剉分為三分每分以水二盞煎熟含冷吐

升麻含汁方 治口瘡

升麻 不拘 多少

一味含一塊嚥津

薺芎煎方 治口瘡

薺芎 三十枚

以綿裹酒煮三十沸許取出每含一枚良久嚙

嚥之日五度

豆豉散方 治口瘡

豆豉 四兩 炒

為散每用綿裹一錢含之日三五度

乾蟾散方 治口瘡

乾蟾 一枚 炙

研為散綿裹半錢含吐津

胡粉膏方 治口瘡

胡粉炒研一兩

以牛酥調如膏每含如杏仁大嚥津

馬牙硝散方 治口瘡

馬牙硝研末一兩

每含一錢津嚥日三五度

檳榔散方 治口瘡

檳榔剉

為散每取半錢塗舌及唇上

桑條汁塗方 治口瘡

桑條汁合一

一味早晨塗舌上

蒲黃散方 治口瘡

蒲黃一兩

每用一錢傅口舌上嚥之

無食子散方 治口瘡

無食子燒灰細研一兩

每取一錢傅舌上日三五度

楸木汁方 治口瘡

楸木汁五合

每取一匙含嚥

蟾酥線方 治口瘡

蟾酥二片

以水半盞浸化為水更入牛黃末一錢攪勻以
絲線五十條就藥中浸一宿陰乾每取一條含
吐津

治口肥瘡方

竈上飲食

一味炒焦研末傅之

神聖膏方 治夏令口瘡

吳茱萸一兩

為末醋一大盞調熬成膏後入地龍末半兩攪
勻每臨臥時先用葱椒湯洗足拭乾用藥徧塗
兩脚底心或以手帛子繫定次日必減未效再
塗之

升麻飲方 治口內生瘡齒斷肉爛

升麻 黃連 羚羊角 元參 麥門冬

黃芩 葛根 甘菊花 防風 羌活

大黃各半 人參三分 甘草炙 知母各一分

每服三錢水煎食後溫服

密陀僧散方 治口瘡衆藥不差者

密陀僧 黃蘗 甘草久一兩並以密塗炙香 蒲黃

黃藥子各半

研爲散傅之

黃連膏方 治久患口瘡

黃連 升麻 槐白皮 苦竹葉 大青各一兩

細剉以水二升煎至半升去滓取汁入龍腦蜜攪勻煎成膏塗瘡上日三度

鉛丹膏方 治舌上生瘡

生地黄汁三合 白蜜三合 杏仁去皮尖雙仁別研七十枚 鉛丹一兩半

合和二處調勻銀器中煮用槐枝攪不得住手

看色紫即成取少許口内含化吐津

蟾酥線方 治口瘡久不差

真蟾酥 五皂子大 礪砂 龍腦 麝香 各一皂子大

同研極細以溫湯半盞化令勻入緋線半錢蘸

藥汁晒乾再蘸再晒候藥汁盡將線寸絕每用

一條貼於患處有涎即吐一日三五次易之取

差為度

鉛霜散方 治大人小兒卒患口瘡

鉛白霜 研細不拘多少

取少許塗傅痛處一兩度

升麻湯方 治卒患口瘡

升麻 黃蘗 太青 各一兩

每服五錢水煎漱口令吐

白芷散方 治口舌生瘡久不差

白芷末 一錢 銅綠 一錢 白殭蠶 四條 乾臙脂

五分

研為末每用少許以雞翎子掃瘡有涎吐之不
得下

秦芫散方 治虛勞口瘡久不差

秦芫去苗土 芫胡一兩

為散每服三錢割豬肝二片用酒煮之去肝取

酒調藥溫服十服當愈

元參湯方 治心肺壅熱口内生瘡膈膈痰逆

元參 茅根 羌活 竹茹 木通 羚羊

角 升麻各半兩 黃連 苦竹葉 人參 半

夏浸去滑各三分 甘草炙

每服三錢入生薑三片同煎溫服食後再

銅綠散方 治口瘡久患不差

銅綠一錢 鉛丹炒半兩 白芷一分為末

研勻少許摻舌上即差

茯苓湯方 治口瘡痛

赤茯苓 人參各一兩

分作四服每服水二盞煎溫服日三不過二劑

元參丸方 治口瘡

元參 天門冬 麥門冬各一兩

為末鍊蜜和丸如彈子大每用一錢丸綿裏含

化嚙津

蒺藜子散方 治口常有瘡

蒺藜子

炒去角

菽豆

炒各三兩

為散如茶點喫

口糜

論曰膀胱移熱於小腸隔腸不便上為口糜夫小腸之脈絡心循咽下膈抵胃陰陽和平水穀入胃小腸受之通調水道下輸膀胱今熱氣厥逆膀胱移熱於小腸胃之水穀不得傳輸於下則令腸隔

塞而不便上則令口生瘡而糜爛也大抵心胃壅熱則必熏蒸於上不可槩以傳藥當求其本以治之

芩胡澤瀉湯方 治小腸熱脹口糜生瘡

芩胡 澤瀉 陳橘皮 黃芩 枳實 旋

復花 升麻 芒硝 別研各三兩 生地黃 一斤

除芒硝外咬咀每服五錢水煎下芒硝末半錢和勻食後溫服

大青丸方 治口糜生瘡久不差及心脾中熱乍

發乍退

大青去根 甘草炙 枳殼麩炒 苦參各三分 生

乾地黄焙 升麻各一兩 黃連一兩

共為末鍊蜜丸如梧桐子大每服二十丸食後

熟水下日二服

大黃散方 治口糜生瘡久不差

大黃煨 甘草炙 黃蘗各一兩 密陀僧研

滑石研各一分

研為散每用一錢綿裏含有涎即吐

升麻丸方 治口糜生瘡

升麻 黃連 黃蘗炙 杏仁各一兩 去皮尖

將上三味為末次研杏仁如膏鍊蜜三兩以藥末并杏仁和為丸如彈子大每服一丸含化嚥

津

紫金散方 治大人小兒口糜生瘡

黃蘗蜜塗慢火炙 訶梨勒一枚煨 熟去核 膩粉研少許

麝香研

研為散每用半錢許摻瘡上

大黃湯方 治口糜生瘡

大黃一兩 芒硝研 黃連去鬚 黃蘗各半兩

每服三錢水煎入蜜半匙酥少許細呷含嚥

甘草丸方 治口糜生瘡痛不得食

甘草一寸炙赤 杏仁二十枚去皮尖雙仁 黃連末一分

研為末和勻每服綿裹如杏仁大含化嚥津

芫胡湯方 治口糜生瘡

芫胡去苗 地骨皮各一兩

每服三錢水煎細含嚥之

黃蘗散方 治口糜生瘡

黃蘗蜜塗炙去火毒 白殭蠶直者置新瓦上下以火焙絲斷出火毒

等分為散摻瘡及舌上吐涎

杏仁餅子方 治口糜生瘡

杏仁湯浸去皮尖雙仁十四枚別研 膩粉一錢

和研勻如膏每餅如錢大鉛丹為衣先用鹽湯

漱口含一餅涎出即吐

大黃蜜煎方 治口糜生瘡

大黃一兩切如指頭大

以蜜煎五七沸候冷取出每含一塊嚙津

生蜜塗方 治口糜爛生瘡

白蜜 二兩

頻用塗瘡上日五次即愈

口吻瘡

論曰口吻瘡者其瘡發于脣吻之間疼痛微腫濕爛有汁世名燕口又名肥瘡此由脾胃有熱隨氣熏發上攻於口脣與津液相搏所致

芎藭丸方 治口吻瘡

芎藭 二兩

白芷

陳橘皮

去皮浸

黃連

各半兩

為末鍊蜜和丸如梧桐子大每服二十九甘草湯下不拘時

亂髮灰散方 治口吻生瘡

亂髮灰

黃連

去鬚

故絮灰

各一兩

乾薑

半兩炮

研為散不拘多少傅瘡上日三五度以差為度麝香散方 治口吻生瘡久不差

人中白 研

麝香

研各一錢

再研勻塗瘡上

楸木皮傅方 治口吻瘡

右方取楸木白皮濕貼之日三五度

葵根散方 治口吻瘡

右方取秋葵根一握燒作灰研爲散傅之

楊木汁塗方 治口吻瘡

右方取白楊木汁嫩枝者用放鐵上燒取汁塗之日三五度

檳榔散方 治口吻瘡

右方用白檳榔燒灰細研爲散傅之日三五度

馬齒莧汁塗方 治口吻瘡

右方擣馬齒莧取汁塗之

烏金散方 治口吻瘡

右方蛻蜋三枚燒灰細研爲散傅之

口舌乾焦

論曰心主舌脾主口口舌乾焦者以心脾經蘊熱傳之於脾二臟俱受邪熱故口舌之間津液燥而乾焦也亦有多食五辛飲酒過度熱積上焦不能滋潤於口舌而致乾焦者治宜詳之

葛根湯方 治口舌乾焦

葛根 甘草各各半兩 人參三分 赤茯苓兩 黃

耆一兩 天門冬三分 桂心三分 犀角屑 生

地黃各半兩 芎藭兩半 麻黃一兩去根節 牛黃研一分

地骨皮兩半 麥冬兩一

每服三錢水煎溫服不拘時

乾棗湯方 治口舌乾焦

乾棗去核焙 貝母去心各一兩半 生地黃 胡桃瓢各

兩柴胡一兩 陳橘皮兩一 牛膝酒浸切焙 桑根白

皮 鼈甲醋炙各一兩 葛根兩一

每服五錢水煎溫服

桂心散方 治心脾客熱口舌乾焦生瘡

桂心兩半 赤茯苓三分 梔子仁 黃連 杏

仁各半兩 黃芩 甘草炙 大黃各三分炒 栝蔞根

兩半 薔薇根切三分

研為散食後以溫漿水調下三錢

栝蔞根湯方 治口乾渴燥

栝蔞根兩二 石膏三分 鉛丹研三分 赤石脂兩半

重校聖濟新錄 卷一百一十七 口齒門 三 燕窩堂

重校聖濟總錄 卷一百一十一 三

白石脂兩半 澤瀉三分

每服五錢水煎入胡粉半錢分溫二服不拘時

茯苓湯方 治心熱舌乾煩躁

白茯苓 大黃炒 升麻 麥門冬 遠志

人參 葛根 甘草炙各半兩

每服三錢水煎溫服不拘時

醋石榴湯方 治口乾

醋石榴子兩一 酸棗仁去核 麥門冬去心各二兩

葛根三兩 覆盆子一兩半 烏梅十五枚 括蕒根一兩

半甘草炙一兩

每服五錢水煎日三服不拘時

五參丸方 治口乾舌上生瘡

元參 沙參 丹參 苦參 人參 秦艽

各一兩 乾薑炮半兩 酸棗仁一兩

為末鍊蜜和丸如梧桐子大每服二十九至三十丸米飲下

甘草丸方 治口乾心熱

甘草炙 人參 烏梅肉炒 棗肉焙 石

重校聖濟總錄 卷一百一十一 口齒門 三

重刊聖濟總錄 卷一百一十一 燕遠堂

膏 各一兩 半夏 薑汁炙一分

共為末鍊蜜丸如彈子大每服一丸含化不拘時

芫胡散方 治口中乾燥心膈痰壅

芫胡 一兩 地骨皮 赤茯苓 枳殼 炒 旋

復花 各半兩

每服二錢生薑湯下日三不拘時

杏仁煎方 治口熱舌焦乾

杏仁 去皮尖雙仁研半兩 生薑汁 一合 棗 去皮核研三十枚

甘草 炙為末半兩 白蜜 五合

先下薑汁與蜜煎令烊後入諸藥煎赤色如飴每服一丸如棗核大含化

杏仁丸方 治口舌乾燥

杏仁 乾棗肉 焙 烏梅肉 甘草 炙各一兩

為末鍊蜜和丸如彈子大每服一丸不拘時含化

石膏煎方 治口舌乾除熱下氣

石膏 碎綿裹三兩 白蜜 五兩

重刊聖濟總錄 卷一百一十一 口齒門 燕遠堂

先用水三盞煎石膏至二盞內蜜更煎令稠每
用一匙含化溫湯調下

麥門冬湯方 治口舌乾燥心熱

麥門冬 栝萼根 各一兩

每服三錢水煎溫服不拘時

菹豆湯方 治口舌乾燥生瘡心脾熱

菹豆 炒 蒺藜子 炒各二兩

每服五錢水煎日三服不拘時

重校聖濟總錄卷一百十八

震澤汪鳴珂瑤圃全弟鳴鳳蘭圃校

程 勛懋哉校訂

口齒門

口舌生瘡 口臭 脣瘡

脣生核 緊脣

口舌生瘡

論曰口舌生瘡者心脾經蘊熱所致也蓋口屬脾
舌屬心心者火脾者土心火積熱傳之脾土二臟

俱蓄熱毒不得發散攻衝上焦故令口舌之間生瘡腫痛

烏犀湯方 治口舌生瘡

犀角屑三分 羚羊角屑三分 丹砂三分 黃耆

兩半 大黃一分 升麻兩半 生乾地黄兩一 射

一分 天門冬生者去心一兩 元參三分 甘草兩一

每服三錢水煎食後溫服

升麻湯方 治口舌生瘡

升麻兩一 大青去根三分 射干三分 黃蘗兩一 元

參兩三 山梔子仁兩半 薔薇根兩三

每服五錢入竹葉七片同煎再入蜜少許地黄

汁一合同煎徐徐含嚥

麝香散方 治口舌生瘡

麝香研一分 乾蝦蟆燒灰一兩 黃蘗炙一兩 甘草炙三分

母丁香一分 甜瓜蒂一分 石膽一分

研為散臨臥以一錢摻舌上有涎吐出

防風散方 治口舌生瘡

防風兩一 龍膽兩一 生地黃兩二 沉香兩半

升麻兩半

每用二錢入鹽少許沸湯調勻揩齒含嚙便睡

晚蠶蛾散方 治口舌生瘡齒動

晚蠶蛾錢二 乾蟾半枚 益母草兩半 人中白

錢半 白礬灰錢半

為散先以綿纏手指以溫漿水洗去白皮摻藥於瘡日三五度

密陀僧丸方 治口舌生瘡

密陀僧研 石膽研 白蜜各一兩 生地黃一兩

取汁

合勻以竹筒盛於飯上蒸候泣乾即住以飯為丸如梧桐子大每含化一丸有涎即吐

杏仁丸方 治口舌生瘡

杏仁七枚浸去皮尖雙仁 胡粉一錢

先研杏仁爛如膏次入胡粉和丸如梧桐子大每以綿裹三丸含化嚙津

茯神丸方 治積年口舌瘡諸方不差

茯神兩一 白朮兩一 旋復花兩半 縮沙蜜三分

重刊... 卷之八... 三... 燕... 堂

去皮 大黃煨半兩 芍藥半兩 桂心三分 郁李仁一兩

大麻仁別研二兩 人參半兩 枳殼炒三分 訶梨勒

厚朴薑汁炙一兩 白檳榔三分 白蘚皮半兩

陳橘皮去白一兩 地骨白皮半兩

為末鍊蜜和丸如梧桐子大每服二十九空心

粥飲下加至三十丸

元參丸方 治口舌生瘡久不愈

元參 天門冬 麥門冬各一兩

為末鍊蜜和丸如梧桐子大每以綿裹二丸含

化嚙津

秦艽散方 治口舌生瘡久不差

秦艽去苗 柴胡各一兩

為散空心以猪子肝半具切煎酒一盞投于肝

中蓋定良久取酒調服三錢

金粉丸方 治口舌生瘡久不差

菉豆粉半兩 葦撥半兩

為末糯米粥為丸如菉豆大先用冷水漱口後

含化一丸嚙津無妨

重刊... 卷之八... 口齒門... 四... 燕... 堂

本草綱目卷之八 治口舌生瘡 藥不 黃藥

密陀僧散方 治口舌生瘡 藥不差

密陀僧 研 黃藥 甘草 炙各一兩 蒲黃 黃藥

子 各半兩

研為散 每用一錢 於瘡上傳之

大青飲方 治傷寒後口生瘡 咽喉腫塞

大青 去根一兩 吳藍 去根半兩 石膏 研一兩 芍藥 一兩

每服三錢 入葱白鹽豉各少許 同煎 臨臥溫服

鬱金散方 治口舌生瘡

鬱金 半兩 白礬 生研一分 鉛丹 研一分 檳榔 半兩

為散 每用半錢 冷熟水調下

蘆會散方 治口舌生瘡

蘆會 研半兩 丹砂 研一分 丁香 一分 角蒿灰 半兩

麝香 半分 牛黃 半分 蟾酥 半兩 羊蹄花 半兩

瓜蒂 二十枚 乾蝸牛 三枚 熊膽 一錢 細辛 一分

馬牙硝 三分 白礬灰 半分

研為散 先以頭髮裹指於溫水內蘸指之 輒帛裹却 膿水取少許 藥末摻瘡上 或輕可即去 酥蘆會看病大小以意加減用之

重校聖濟總錄 卷之八 口齒門 五 蘇遠堂

口臭

論曰口者脾之候心脾或熱蘊積於胃變為腐臊之氣府聚不散隨氣上出熏發於口故令臭也

五香丸方 治口臭去熱毒

沉香 丁香各一兩 甘草炙一兩 羚羊角屑三分

黃連三分 鬼臼 黃芩各兩半 犀角屑三分 梔子

仁半兩

為末鍊蜜和丸如梧桐子大每服七丸漿水下日二服加至十丸

鷄舌香丸方 治口臭去熱毒

鷄舌香一兩 藿香半兩 零陵香一分 甘松香

一分 當歸 桂心各三分 木香半兩 川芎三分

莎草根一分 檳榔五枚 白芷半兩 草豆蔻仁

半兩

共為末鍊蜜和丸如雞頭大綿裹含化嚙津以差為度

青黛散方 治口臭濕疔蝕齒欲落唇頰穿破

青黛一兩 雄黃研半兩 丹砂研 葇荂子炒

青礬石 燒汁 盡 白礬石 燒汁 盡 附子 去皮臍 各一分 苦參 各一分
甘草 炙 一兩 細辛 半兩 藜蘆 麝香 各一分

共為散先以綿拭令淨後用藥貼之

豆蔻散方 治口臭

肉豆蔻 去殼 紅豆蔻 去皮 草豆蔻 去皮 白豆

蔻 去皮各半兩 細辛 一分 赤茯苓 半兩 丁香 半兩

桂心 一兩 人參 半兩 甘草 炙 半兩

每服一錢熟水調下日三不計時候

升麻散方 治口臭生肌長斷

升麻 二兩 防風 一兩 當歸 白芷 各半兩 川芎

藁本 各三分 麝香 一分 甘草 炙 半兩 木香 細

辛 各一分

每用一錢傅齒根下甚者綿裹含化嚙津

升麻散方 治口臭墜齒下胷膈邪氣

升麻 一兩 地骨皮 細辛 菖蒲 地栢

射干 草豆蔻仁 沉香 各半兩 續斷 一分 寒

水石 一兩

為散食後以指搵藥指良久漱口

七香丸方 治口及身臭

白豆蔻仁 丁香 藿香 零陵香 青木

香 白芷 桂心 各一兩 香附子 二兩 甘松香

當歸 各半兩 檳榔 二枚 沉香 一兩

為末鍊蜜和丸常含一丸大豆大咽汁日三夜

一亦可常含咽汁五日口香十日體香二七日

夜被香三七日下風人聞香四七日洗手水落

地香五七日把他人手亦香慎五辛下氣去臭

丁香丸方 治口氣臭穢常服含

丁香 半兩 甘草 三兩 細辛 桂心 各一兩半

為末鍊蜜和丸如彈子大每服二丸臨臥服含

化

治口臭揩齒方

沉香 升麻 白芷 藁本 細辛 丁香

各半兩 寒水石 二兩

為散每日早取柳枝咬枝頭令軟摺藥揩齒煖

水漱復以綿揩令淨

藁本散方 治口臭生瘡

重刊聖濟總錄 卷一百一十八 牙痛

藁本去苗土 芎藭各半兩 細辛 桂心 當歸

杏仁去皮尖 雄黃各一分

為散每用一錢傅瘡上日三度

七寶散方 治口臭指齒令香

鍾乳研 丹砂研 海水沫研 白石英研

麝香 真珠末研 珊瑚研各一分

為散以柳木篋子咬頭令輒擦藥指牙齒

抵聖散方 治口臭齒疳脫落漏齦膿出不止

銅錄 膽礬各一錢 蟾酥七片 膩粉兩筒 鉛丹

五分 砒霜一錢

先以熱湯漱口次貼一字表裏拭之候涎出盡

別用鹽湯漱口

芎藭散方 治心虛寒口臭蟲蝕齒痛

芎藭 白芷各一兩 甘草炙三分 桂心去麤皮 杜蘅

各半兩 當歸切三分

為散食前煖酒調下一錢日二服三十日體皆

香即差

細辛散方 治口臭血不止

重刊聖濟總錄 卷一百一十八 口齒門 九 燕窩堂

重校聖濟總錄 卷之六 九 燕遠堂

細辛 去苗葉一分 菖蒲 三分 乾薑 棗肉 乾各半兩 雞

舌香 一分

每用半錢綿裹如杏仁含嚙津日三

丁香散方 治口臭匿齒

丁香 二十枚 白礬 燒灰 香附子 各三分

先用揩齒次以散一錢傅之

礬石散方 治口臭匿齒

白礬 燒灰一分 麝香 少許

為散貼患處日三五上

椒桂散方 治口臭

蜀椒 去目炒 桂心 各一兩

為散每用五錢水煎熱漱燥

草豆蔻丸方 治心脾蘊熱隨氣上熏發為口臭

草豆蔻仁 丁香 各一兩 麝香 一分 藿香葉

零陵香 桂心 莎草根 去毛 木香 白芷

當歸 檳榔 各半兩

為末鍊蜜和丸如雞頭大每含化一丸嚙津液

日三丸

重校聖濟總錄 卷之六 口齒門 一

零陵香丸方 治口臭辟除邪惡冷氣

零陵香一兩 甘松二兩 淨洗 草豆蔻仁六兩 沉香

三兩 乳香四兩 赤茯苓九兩 檳榔七兩 木香

五兩 甘草炙 十兩 桂心八兩

研為末鍊蜜和丸小彈子大臨臥及五更初含
化一丸下注丹田能生津液語音清亮皮顏色
悅鬢髮烏黑止小便明目益智補虛勞除冷氣
久服一生無患

治腑臟蘊熱上熏發為口臭方

芎藭不拘多少 一小塊子

含化嚙津

瘡瘡

論曰瘡瘡者以脾胃有熱熱氣循經而外發於瘡
故生瘡也蓋足陽明之脉下循鼻外入上齒縫中
還出挾口環瘡內經謂脾之合肉也其榮瘡也是
故脾胃之經與瘡相應熱氣乘經而衝發所以瘡
為之生瘡

琅玕散方 治脾胃客熱瘡腫生瘡飲食妨悶

寒水石 研成粉 四兩 青黛 半 馬牙硝 研一錢 蓬砂

研一錢 龍腦 研一分

右五味同研極細散每服一字或半錢咽喉中乾摻食後臨臥服

白斂膏方 治脣瘡

白斂 一兩 白芨 一兩 白蠟 三兩 黃耆 一分 麝

香 研一分 乳香 研一分 芍藥 一分 丁香 一分 麻油

半斤 牡丹皮 一分

右十味除油及研藥外並細剉先以油煎十沸

卽下藥候耆赤色用綿濾過慢火煎十餘沸次下諸藥攪不住手候凝成膏放瓷器中盛下麝香令勻每用少許塗貼患處日三五上卽差

生肌藁本散方 治脣瘡

藁本 半兩 芎藭 半兩 細辛 半兩 桂心 一分 當

歸 半兩 杏仁 一分 雄黃 研一分

共爲散入雄黃末拌勻傅瘡上日三五度

硫黃膏方 治脣瘡及緊瘡久不差

硫黃 研 白礬 研枯 丹砂 研 水銀 麝香

研 黃蘗 各一分 爲末

同研候水銀星盡用臘月豬脂和如泥先拭令淨後以膏塗之日三五上卽差

五倍子散方 治口脣生瘡

五倍子 去心中蟲 槐花 擇

等分爲細散每用蜜傅唇上如瘡口乾以葱汁調上

治唇瘡方

東牆上土

一味細研傅之卽差

又方

胡粉

一味傅瘡上卽差

又方

臙脂

一味以油調塗傅瘡上

又方

豉

一味湯浸一宿爛研塗之差

又方

白英 去皮酥炙赤色

一味擣末貼瘡上蟲出即差

又方

大麻子 燒灰

一味細研為末用井華水調塗瘡上

治瘡邊生瘡年深不差方

藍葉

一味取八月生者取汁洗瘡上

治瘡瘡及緊瘡瘡方

雞子 一枚煮熟

一味取白細研令勻貼瘡上差

又方

螳螂腹底白皮 一分

一味燒作灰細研為散貼之

治瀋瘡瘡方

鯉魚血

一味取血磨墨相和塗之差

又方

亂髮 露蜂房

二味各取少許并六畜毛少許同燒灰研令細以猪脂和塗之良

又方

白礬熬枯

一味細研為末和胡粉傅之差

又方

松脂

炙令軟捏作餅子貼瘡上以差為度

治瀰屑瘡方

蛇皮燒灰

細研為末先炙瘡令熱傅之即差

又方

葵根一握

燒灰細研為散傅之差

又方

乾蟾一枚
燒灰

細研爲末傅之差

又方

鯉魚膽一枚

取汁磨墨相和塗之差

脣生核

論曰脣生核之候大槩與脣瘡緊脣相類然其腫至於生核者蓋足陽明與太陰爲表裏臟腑俱有風熱風熱之氣衝發二經與血氣相搏而爲脣腫

外復爲風冷所乘血氣凝結聚而不散故生核也

防風湯方 治脾胃蘊積熱氣復爲風冷所搏脣

邊生核結鞭疼痛

防風去義半兩 菊花一兩 升麻半兩 獨活半兩 黃

芩半兩 知母半兩 元參半兩 生乾地黃半兩

藁本半兩 大黃炒半兩 梔子半兩 前胡半兩

桔梗炒 甘草炙 麥門冬各半兩

每服用二錢水煎食後溫服日三

地黃煎方 治脾胃風熱脣生核

生地黄汁一升 生麥門冬 生天門冬 萎蕤

各四兩 細辛 甘草炙 川芎 白朮各二兩 黃

耆 升麻各三兩

除地黄汁外並細剉以綿裹酒浸一宿取出更

用猪脂膏三升煎濾過下地黄汁并綿裹者藥

同煎以膏鳴水脉盡為度去滓盛貯每以少許

細細含化緩嚥之

升麻飲方 治脾胃有熱風冷相乘脣腫生核疼

痛

升麻 前胡 犀角各半兩 龍膽 青竹皮

葛根各一分 薏苡仁 甘草各半兩

每服五錢水煎食後溫服

黃連散方 治脾胃積熱風冷乘之脣結核

黃連去鬚 升麻 龍膽各一兩

為散綿裹如彈子大臨臥新汲水浸過含化嚥

津

惡實散方 治脣腫生核

惡實炒 烏梅去核各半兩 甘草炙一分

重刊聖濟總錄 卷之八
共為細末每服三錢用童子小便一盞同煎五
沸含漱令吐日三

治脣生核腫痛如彈

牛膝

燒灰存
性研

先以鍼刺出惡血次用藥少許以新汲水調塗

核上

治脣黑腫生核痛癢不可忍方

古銅錢

青者
四文

放石上以臘月豬脂磨取汁塗之

緊脣

論曰緊脣之候其本與脣瘡同瘡未及差熱積在
胃復為風濕所搏故令口脣發瘡緊而痛濕潰出
黃水久而不愈謂之緊脣脉經論足陽明之脉所
生病則曰脣緊者蓋陽明胃之脉挾口環脣風熱
所客則為緊脣之病方書謂緊脣亦為瀦脣
治緊脣順脾養肌散方

山芋

一兩

人參

三兩

桂心

去麤
皮

白芷

甘草

炙

白朮

各一兩

訶梨勒皮

白茯苓

黃耆

木香各半 肉豆蔻二枚
兩 去皮

為散每服一錢點茶熱服

治緊脣水銀膏方

水銀 乳香各一 綠礬研半 苦參二 亂髮

一 細辛一兩

研為末先以緋帛一片裹髮麻油一斤蠟五兩
先煎十沸次下苦參細辛緋帛亂髮消盡去滓
又以水銀綠礬乳香一處細研投於膏中攪勻
慢火煎成膏每用少許塗唇上以差為度

刺薊汁方 治緊脣

刺薊一握

取汁日暴之令濃先揩口脣令血出以藥汁塗
之兼療刺風驗

皂莢塗方 治緊脣

皂莢末

每以少許水調之

大黃塗方 治緊脣

大黃

重校聖濟總錄 卷一百一十八
為末每用少許醋調塗之

牛膝皮傳方 治緊脣

牛膝

燒灰細研為摻傳之

豬脂塗方 治緊脣

臘月豬脂

每用少許塗之

蛇皮灰塗方 治緊脣

蛇皮

一味研細生油調塗瘡上

案垢灰塗方 治緊脣

屠家肉案上垢

燒灰塗之日二三上差

馬齒莧塗方 治緊脣

馬齒莧

取汁塗之

治緊脣色黑癢痛方

青銅錢 四文

